

جریدہ علیہ

مشيخت جليلہ اسلاميہ نك بصريہ ر سيمه ميديرو

ذی الحجہ سنہ ۱۳۲۹

عدد ۶۸

شديدك آيدہ بر نشر اولنور

آلنهي

تشریحات مخصوصه

دین اسلام

۶

انبیائک حقوق و وظائفی

انبیائک بر طاقم وظائفی وارد، اکا مقابلده حقوقی وارد .
باشلیجه وظائفی عقول بشریه نك احتیاجاتی بیدرمك ، قلب بشری تطمین ایتك در ؛
وظائف انبیا شویله خلاصه اولنور :

خبری ، امری رحمان جانبدن تبلیغ ایتك ؛ امر بالمعروف ، نهی عن المنکره
اتباع ایله سبیل خیره ، اجتناب ایچون سبیل شره دلالت ایله مک در .

صنایع ، ارضده کی معادنی استخراج ، نباتاتی انما ، حیواناتی شخصاً ونوعاً
ابقا خصوصاً صلیبی تعلیم یعنی طرق معیشتی تفصیل ، وجوه کسی تبیین ، بونلره موصل اولان
علمی تعلیم وظائف انبیادن دکلدرد . بونلره رسالتک دخلی وعظ عمومی ، اعتداله ارشاد
جهتی ایله در . فلکیات وطبیعیات حقنده برسوز وارد اولمش ایسه بونلرکه مقصد عظمت
خالقی تأمل وتفکره ، تکوین خصوصنده خالقک ابداع ایلدیکی شیئه تشویق در ؛ تا که بونلرکه
خالقک وجودینه یقین قوی حاصل اولسون ، معاش ومعادده مصلحت بشرمتنی اولسون .
بونک کی قصص و اخبارده اقوام سالفه دن عبرت آلق ایچون وارد اولشدرد .

انبیا ناسه عقللرینه کوره قولای برلفت ایله مخاطبه ایدرلر ، فهملرینک خارجنده برشی
بیان ایتزلر ، بتون امر ونهی لری نك رضاء باری یه بناء موافقی ، سخط باری یه بناء مجانبی
تفصیل ایدرلر ، صوکرده دار آخرتده الهیک حاضر له مش اولدیغی ثواب وحسن وعاقبتی
بیان ایدرلر ، ثواب وحسن عاقبت حدود السیه ده طوروب امرینه اتباع ، محظوراتندن
اجتناب ایدنلره مخصوصدر دیرلر .

حقوق انبیاده شونلردر : کتیردیکی شیئه ایمان ، سنتنه اتباع واطاعت ، اوامرینه امتثال
ومناهیسندن اجتناب ، ارضاء محبت ، امر ونهیده نصحتی قبول ، توقیر واجلال ، صلاوة وسلام .
اهل بیتنه ، ازواج طاهراته ، اصحاب کزینیه محبت توقیرده داخلدر .

دین اسلام یالکنز دین محمدی دکلدرد بلکه دین انبیادر : واشهد باننا مسلمون =

واصرت ان اکون من المسلمين - الا واتم مسلمون . لسان دینده اسلام انقیاد خدادار ، اسلامک روحی برتک اولان الله عبادتدر . بتون عبادات بواصل تذکیر ایچون ، محافظه ایچون مشروع قیلنشددر . بوکا مبنی اللهدن باشقهنه یمین ایتک جائز دکلددر ؛ آنحق بواصل ایله عمل مقبولدر ، آنحق بواصل ایله انسان مغفور اولور ، آنحق بواصل ایله انسان مسلم اولور . جمیع رسل کرام بونکله مبعوث اولشددر : ولقد بعثنا فی کل امة ان اعبدوا الله واجتنبوا الطاغوت . بو حالده اسلامک معنای عمومیهی رسل کرامه اتباع ، اوامر ونواهی بارییه قارشو اثمار واتهاده بولونقی ؛ امریخنده ، نهیخنده قبول ایتکدر . خاتم المرسلیندن سوکره دیکر طریققلر قیامقله آندن سوکره بشقه بر طریققه ، بشقه بردینه سلوک اصلا مقبول دکلددر . اسلامک معنای خصوصیهی ده بودر : ومن یتبع غیر الاسلام دینا فلن یقبل منه .

انبیائک تختاز اولدینی وحی بر ملک واسطه سیله وارد اولور . ملائکه طریق انبیائک خواصنددر : نزل به الروح الامین علی قلبک . یازل الملائکه بالروح من امره علی من یشاء من عباده : ملائکه الله ایله بشر آره سنده بر واسطه در . آندن طولای « کل امن بالله و ملائکته و کتبه » نظم جیلنده ایمان باللهدن سوکره ایمان بالملائکه وارد اولشددر . ملائکه معصوم در ، مطهر در ، ملائکه ک جناب حقدن تلقی ایدوب بشره ایصال ایلدیکی وحیک متلو قسمیه کتاب دنییه . بوکا مبنی نظم جلیله اوچنجهی مرتبه ده وارد اولشددر .

ازمیری

اسماعیل حق

حضور هایون درس شریف مقرر و مخاطبیری

بیک اوچوز اوتوز طقوز سنه هجریه سی شهر رمضان مغفرت نشاننده حضور هایون حضرت پادشاهیده قرائت اولنان تفسیر شریف درسنده حاضر بولنان ذواتک اسامیهی

« الدرس الاول »

مقرر : نصوح افندی زاده مصطفی عاصم افندی

مخاطبیر :

ویزلی محمد حلمی	افندی (بازید)	آقسه کیلی محمود حامد	» (فاتح)
زعفرانبولیلی مصطفی عصمت	» (اسکدار)	بکشهرلی احمد شا کر	» (فاتح)
بکشهرلی احمد نوری	» (فاتح)	کیرمه سونلی علی رضا	» (سلیمانیه)